

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 1/41

ք.Երևան

12 հունվարի 2024թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ վարչական իրավախախտման գործի վերաբերյալ 11.12.2023թ.-ի թիվ 4237999/23 որոշման դեմ «ՍԻՄՈՆՅԱՆՍ» ՍՊԸ (ՀՎՀՀ՝ 02821528) տնօրեն Սուրեն Շուխյանի դիմում-բողոքը՝

ՊԱՐԶԵՑ

«ՍԻՄՈՆՅԱՆՍ» ՍՊԸ տնօրեն Սուրեն Շուխյանի (այսուհետ նաև՝ բողոքաբեր) վերաբերյալ կայացվել է ՀՀ ՊԵԿ վարչական իրավախախտման գործի վերաբերյալ 11.12.2023թ.-ի թիվ 4237999/23 որոշումը (այսուհետ նաև՝ Որոշում), որի դեմ բողոքաբերի կողմից ներկայացվել է դիմում-բողոք:

Հարկ է նշել, որ Որոշումը կայացնելու համար հիմք է հանդիսացել ՀՀ ՊԵԿ հարկ վճարողների ընթացիկ հսկողության հարկային տեսչության-վարչության 25.08.2023թ.-ի թիվ 4237999 արձանագրությունը, որով արձանագրվել է «ՍԻՄՈՆՅԱՆՍ» ՍՊԸ-ի կողմից հսկիչ դրամարկղային մեքենաների կիրառության կանոնների խախտումն փաստ: Արդյունքում կայացվել է ՀՀ ՊԵԿ վարչական իրավախախտման գործի վերաբերյալ 11.12.2023թ.-ի թիվ 4237999/23 որոշումը, որով Սուրեն Շուխյանի նկատմամբ կիրառվել է Վարչական իրավախախտումների վերաբերյալ ՀՀ օրենսգրքի 169.1 հոդվածի 1-ին մասով սահմանված պատասխանատվության միջոցը՝ գումարով 15.000 դրամ:

Միևնույն ժամանակ, ՀՀ ՊԵԿ հարկ վճարողների ընթացիկ հսկողության հարկային տեսչության-վարչության 25.08.2023թ.-ի թիվ 4237999 արձանագրությունը բողոքարկվել է դատական կարգով և գտնվում է դատաքննության փուլում (վարչական գործ թիվ ՎԴ/10037/05/23): Հաշվի առնելով նշված հանգամանքը՝ ՀՀ ՊԵԿ իրավաբանական վարչության պետի կողմից 25.12.2023թ.-ին կայացվել է թիվ 4237999/23-Փ որոշումը, որով ՀՀ ՊԵԿ վարչական իրավախախտման գործի վերաբերյալ 11.12.2023թ.-ի թիվ 4237999/23 որոշման մեջ կատարվել են փոփոխություններ: Մասնավորապես, Որոշման «Որոշեցի» մասը շարադրվել է հետևյալ խնբագրությամբ. «Սուրեն Շուխյանի վերաբերյալ իրականացվող վարչական վարույթը

կասեցնել՝ մինչև թիվ ՎԴ/10037/05/23 վարչական գործն ըստ էության լուծող դատական ակտի կայացնելը»:

Տվյալ դեպքում գործ ունենք մի իրավիճակի հետ, երբ վիճարկվող Որոշումն իր սկզբնական տեսքով այլևս գոյություն չունի: Այսինքն, բացակայում է հարկային մարմնի կողմից բողոքարկվող անհատական իրավական ակտի, գործողության կամ անգործության դեպքը:

ՀՀ հարկային օրենսգրքի 442-րդ հոդվածի 2-րդ մասի 7-րդ կետի համաձայն՝ հարկային մարմնի բողոքարկման հանձնաժողովն ընդունում է հարկ վճարողի դիմում-բողոքի քննարկման վարույթը կարճելու մասին համապատասխան գրավոր որոշում, եթե դիմում-բողոքում նշված պահանջը դուրս է հարկային մարմնի բողոքարկման հանձնաժողովի իրավասություններից:

Նույն մասի 8-րդ կետի համաձայն՝ հարկային մարմնի բողոքարկման հանձնաժողովն ընդունում է հարկ վճարողի դիմում-բողոքի քննարկման վարույթը կարճելու մասին համապատասխան գրավոր որոշում, եթե բացակայում է հարկային մարմնի կողմից բողոքարկվող անհատական իրավական ակտի, գործողության կամ անգործության դեպքը:

Ելնելով վերոգրյալից և ղեկավարվելով ՀՀ հարկային օրենսգրքի 442-րդ հոդվածի 2-րդ մասի 7-րդ և 8-րդ կետերի դրույթներով Հանձնաժողովը գտնում է, որ դիմում-բողոքի քննարկման վարույթը ենթակա է կարճման:

Ելնելով քննության արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը

ՈՐՈՇՈՒՄ Է՝

ՀՀ ՊԵԿ վարչական իրավախախտման գործի վերաբերյալ 11.12.2023թ.-ի թիվ 4237999/23 որոշման դեմ «ՍԻՄՈՆՅԱՆՍ» ՍՊԸ տնօրեն Սուրեն Շուխյանի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

ՀԱՆՁՆԱԺՈՂՈՎԻ ՆԱԽԱԳԱՀ

2024-01-15 16:59:29 GMT+4
Հավաստված է ԷԿԵՆԳ-ի կողմից



ԿԱՐԵՆ ԹԱՄԱԶՅԱՆ